

AMC ELECTION DATA

Aizawl Municipal Corporation huam chhunga ward number 18-na chu AMC inthlan lo awm tur atana voter tamna ber ward niin, voter 18,906 an awm.

Mizoram State Election Commission chhinchhiah danin, AMC ward number 18 na ah hian vote thlak thei hmeichhia 18,906 bakah mipa voter 10,209 an awm a, ward number 18 na hian Tuikhuahtlang, Mission Veng, Model Veng, Salem Veng, Dam Veng, Venghnuai, Thakthing bakah ITI Veng-te a huam a ni. AMC ward chhunga voter tamna ber, Ward number 18-na ah hian a veng mal angin ITI Vengah voter an tam ber a, mipa 2249 leh hmeichhia 2505, a vai a belhkhawmin voter 4754 ITI Vengah hian an awm a ni.

AMC Ward chhunga voter tlemna ber ward chu ward number 8-na a ni a, AMC Ward number 8-na hian Armed Veng, Armed Veng South leh Chite veng te a huam a, ward number 8-na ah hian voter hmeichhia 3670, mipa 4305, a vai a belhkhawmin 7975 an awm a ni.

Aizawl Municipal Corporation inthlan lo awm tur atana hmeichhiate tan a candidate nih hauhna bik bialah ward number 2-na ah voter an tam ber a, Ward no 2-na hian Chaltlang, Chaltlang Lily Veng, Bawngkawn, Bawngkawn South leh Bawngkawn West-te a huam a, voter hmeichhia 9223, mipa 7654, a vai a belhkhawmin 16,877 an awm a ni.

Aizawl Municipal Corporation huam chhungah hian hian a veng bil ang a voter tamna ber chu ward number 2-na huam chhunga Bawngkawn Veng a ni a, Bawngkawn Vengah hian voter hmeichhia 3461, mipa 2981, a vai a belhkhawmin 6442 an awm a ni.



MZERC PUBLIC HEARING

Power & Electricity Department-in kum 2026-27 atana eng chhit man (Electricity tariff) a rawtna chungchangah Mizoram Electricity Regulatory Commission (MZERC) chuan vawiin khan Public Hearing a buatsaih.

Public Hearing hi MZERC Chairperson, Pu Benjamin L.Tlumtea kaihhruaina-in Aijal Club-ah neih a ni a. Hun bituk chhunga mipuite'n rawtna leh sawiselna thu an thlente leh P&E department-in an chhannate ngaihthlak a ni.

Kum kal mek 2025-2026 leh kum hmasa 2024-25 ah te khan eng chhit man hi tihsan a ni lo a, tuna P&E department-in rawtna a thelhuhah pawh hian eng chhit man tihsan rawtna a awm lova, mipui atanga Revenue sum mamawh zat (ARR) a hmuh tlin lohna chu Sawrkarin subsidy-in a peksak dawn a ni. MZERC chuan ngun taka a zir chian hnu-ah kum thar FY 2026-27 atana Sawrkar pek tur subsidy leh eng chhit man tur zat hi a bithliah dawn a ni.

Multi-Year Tariff Regulations, 2014-in a phut angin P&E department hian kum tinin mipui hnena power supply enkawl nana sum leh pai a mamawh (Aggregate Revenue Requirement) leh, eng chhit man bithliah chungchanga rawtna a neihte chu Commission hnenah a theh lut thin a. A rawtna hi chanchinbu-ah chhuahin mipui

vantlang tan sawiselna hun emaw, thurawn pekna hun emaw hawn thin a ni a. Sawiselna emaw, thurawn emaw pe duhte chuan MZERC hnenah ziakin (Affidavit hmangin) an thehlut thin a ni.



LAWNGTLAI OIL

Vawiin khan DCSO Lawngtlai Pu Lianchhuma Chinzah chuan Lawngtlai a Filling Station dinhmun a enfiyah a, tun dinhmun ah Petrol leh Diesel ah thlaphanna tur a awm lo.

Lawngtlai Bawrsap hova thurel bawhzuiin Filling Station te hi DCSO leh Police lam ten enfiyahin, Lawngtlai-a Filling Station pali, Mizofed Filling Station, B. Sangchem Filling Station, Mavula Filling Station leh F.Rothuama Filling Station ah te Petrol leh Diesel dinhmun a tha a, kalkawng a thang mek engemawzat a awm bawk.

DCSO Pu Lianchhuma Chinzah chuan West Asia buaina vangin Petrol leh Diesel ah harsatna tawh palh theih a nih vangin Filling Station enkawltute chu mipuiin chatlak lohva Petrol leh Diesel an lak theih nan an Oil chhekkhawl dinhmun hrechiang chung a hralhchhuak thin turin a hrilh a, Bawrsap hova rel tawh angin Petrol leh Diesel chhek khawl sa Litres 8000 chin ah bur a dawh phal a nih loh thu leh Litres 5000 chin chu Permit hmanga pekchhuah a ngaih thu DCSO chuan Filling Station enkawltute a hrilh bawk.

DCSO sawi danin tun dinhmun ah Petrol leh Diesel dinhmun a tha tawh a, West Asia indona vangin emaw, chhandang vang pawn mipui tan chiaina tur a awm lova, renchem thiam erawh mitinin thiam a ngaih thu a sawi a ni.



PM

Prime Minister Narendra Modi leh Qatar ram hotu lu, Sheikh Tamim bin Hamad Al Thani chu nimin khan phone hmangin an inbia a, Prime Minister Narendra Modi hian Qatar mipui te hnen ah Eid chibai a buk a ni.

Social Media a tarlan danin Prime Minister chuan India chu Qatar nena thawhdunna kawng ah an in lungrual thu sawiin thilsiamchhuahna hmunpui beih a ni chu a dem hle thu a sawi a, India mipuite hnena tanpuina an pek avangin lawmthu a sawi a, West Asia-a remna leh muanna a thlen thuai a beisei thu a sawi bawk. Pu Modi chuan India leh Qatar chu zalen tak a an thawhdun zel a duh thu a sawi bawk.



WEST ASIA WAR

West Asia-a buaina chuan zual lam pan zelin ni 20-na a thleng tawh a, Israel thuchhuah tarlan danin Iran Missile in Israel hmarchhak khawpui-a oil tihthianglimna hmun a fuh a, amaherawhchu chhياتna liantham thleng a awmluh thu Israel chuan an sawi.

Thuchhuah tarlan danin Israel Energy Minister Eli Cohen chuan oil tihthianglimna beih anih avangin hun rei vaklo chhung chu power tih tawp anih dawn thu sawiin, mipuite hriatthiamna a ngen a. Hetih lai hian Iran chuan Israel a oil leh gas siamna hmun engemaw zat a bei a ni.

